



Ørsta og Volda hundeklubb

Vår referanse
20/4591 21/147

Dykkar referanse

Sakshandsamar
Liv Bente Viddal

Dato
26.04.2021

Høring på lokal forskrift om utvida bandtvang på hund i Ørsta kommune

Samandrag:

Ørsta kommune sender ut høring på lokal forskrift om utvida bandtvang på hund. Det vert føreslått **utvida bandtvang på inn- og utmark i perioden 21. august til og med 31. oktober, av omsyn til husdyr på beite, etter § 6 e i hundelova.**

I tillegg ynskjer ein innspel på om det kan vere aktuelt å innføre utvida bandtvang etter dei andre underpunkta i § 6 i hundelova.

Frist for innspel til Ørsta postmottak er **28. mai 2021.**

Saksopplysningar:

Formannskapet har i sak 39/21 gjort dette vedtaket:

Formannskapet vedtek å sende lokal forskrift om utvida bandtvang for hund ut på høring. Det vert føreslått utvida bandtvang på inn- og utmark i perioden 21. august til og med 31. oktober, av omsyn til dyr på beite, etter § 6 e i hundelova.

I tillegg ynskjer ein innspel på om det kan vere aktuelt å innføre utvida bandtvang etter dei andre underpunkta i § 6 i hundelova.

Utarbeiding av lokal forskrift må gjerast etter Lov om behandlingsmåten i forvaltningssaker (forvaltningslova) §37 (om forskrifter), og Lov om hundehold (hundelova) § 6. Formannskapet sender ut saker på høring, og etter høyringsrunda vil det vere kommunestyret som evt. vedtek lokal forskrift om utvida bandtvang.

I hundelova § 6 Sikring av hund ved båndtvang m.m., står det:

I tiden fra og med 1. april til og med 20. august skal en hund bli holdt i bånd eller forsvarlig inngjerdet eller innestengt, slik at ikke den kan jage eller skade storfe, sau, geit, fjærfe, rein, hest eller vilt, herunder viltets egg, reir og bo.

Kommunen kan gi forskrift om at hunder skal holdes i bånd eller forsvarlig innestengt eller inngjerdet

a) i og i tilknytning til boligområder og handleområder,

b) i parker, på gravplasser, på og ved skoler, barnehager og anlegg for lek, idrett, sport eller rekreasjon,

- c) på og ved bestemt/angitte turstier, turveier, merkede skiløyper, leir- og rasteplasser,
- d) i bestemt angitte andre områder på land, i vann eller sjø som er allment benyttet som tur- og rekreasjonsområder,
- e) i hele eller deler av kommunen i bestemt angitt tidsrom når storfe, sau, geit eller hest normalt går ute, eller
- f) under ekstraordinære forhold som gjør båndtvang påkrevd for å beskytte viltet.

Båndtvang etter bokstav c og d kan ikke fastsettes i større grad enn nødvendig og slik at hensynet til de som ønsker å ferdes med løs hund også ivaretas i tilstrekkelig grad, både hva angår omfang og geografisk spredning. Ved fastsettelse av båndtvang etter bokstav e og f kan båndtvang bare innføres i de områder av kommunen hvor husdyr har rett til å beite og faktisk beiter, eller hvor vilt man ønsker å beskytte har sitt leveområde. Båndtvang fastsatt i medhold av bokstav f må opphøre straks forholdene tilsier det. Der beite, natur- og rekreasjonsområder berører flere kommuner, bør disse samordne sine forskrifter. Kommunens innføring av båndtvang etter bokstav f kan påklages til fylkesmannen.

Kommunen kan gi forskrift om at hunder ikke har adgang til barnehager, skolegårder eller gravplasser.

Hundelova gir ut over dette generelt aktsomheitskrav i §3, og reglar om sikring i §4. §9 gir unntak frå sikringsreglane, og bandtvang vil m.a. ikkje gjelde for dressert bufhund i bruk, ettersøkshund og hundar som vert brukt i lovleg jakt.

Døme på andre kommunar i fylket som har utvida bandtvang av omsyn til beitedyr:
Stranda: 21. august t.o.m. 31. oktober
Sykkylven: 1. april t.o.m. 30. september
Tingvoll: 21. august t.o.m. 30. september
Sunndal: 21. august t.o.m. 30. september
Rauma: 21. august – 1. oktober

Vurdering:

Bakgrunnen for ynskje om utvida bandtvang, er etter dei signala administrasjonen har fått, på grunn av omsyn til beitedyr, og ei slik lokal forskrift vil vere etter § 6 e i hundelova. Det vert difor sendt ut på høyring forslag om utvida bandtvang i beitesesongen for husdyr. Ein ber i høyringa også om innspel på om det kan vere aktuelt med utvida bandtvang etter dei andre underpunkta i § 6.

Ørsta har store utmarksressursar, og sommaren 2020 var det over 5000 sau og lam på beite i utmarka, i tillegg til 1600 storfe. Det er dyr på beite stort sett i heile kommunen, slik at det vil vere vanskeleg å avgrense bandtvangen geografisk til spesielle beiteområde. Kva område som vert brukt som beiteområde kan også variere mellom år. Det er difor føreslått at utvida bandtvang skal gjelde for heile kommunen på inn- og utmark.

Dei fleste kommunar som har utvida bandtvang, har det til 30. september, noko som er «normal» beitesesong i utmarka, men det er ikkje uvanleg at at både sau og storfe kan gå ute det meste av oktober på innmark. Viss ein skal ha utvida bandtvang pga.

omsyn til beitedyr, bør denne gjelde til minimum 30. september, men gjerne lenger. Kommunen har valt å sende ut høyring på utvida bandtvang til og med 31. oktober

Konklusjon:

Ørsta kommune sender ut på høyring forslag om lokal forskrift om **utvida bandtvang i perioden 21. august t.o.m. 31. oktober, gjeldande på inn- og utmark i heile kommunen**, etter §6 pkt. e i hundelova.

I høyringsuttalene ynskjer vi innspel på dette, og på om det kan vere aktuelt å innføre utvida bandtvang etter dei andre underpunkta i §6.

Lenke til hundelova:

<https://lovdata.no/dokument/NL/lov/2003-07-04-74>

Høyringsfrist er 28. mai 2021.

Innspel kan sendast til:

Ørsta kommune, Dalevegen 6, 6153 Ørsta

Eller på epost til: postmottak@orsta.kommune.no

Merk gjerne innspelet med saksnummer 20/4591.

Med helsing

Liv Bente Viddal
seksjonsleiar

Dokumentet er elektronisk godkjent og har difor ikkje signatur

Mottakar

Barstadvik beiteforening

Björdal beitelag

Buset/Vartdal beitelag

Hjørundfjord bondelag

Naturvernforbundet

Volda/Ørsta

Norangdal beitelag

Norske redningshunder avd.

Møre og Romsdal

Rognstøydalen beitelag

Romedalen beitelag

Standal beitelag

Sunnmøre friluftsråd

Volda kommune

Stormyra 2

6100

VOLDA

Volda og Ørsta bonde- og småbrukarlag

Volda og Ørsta

C/o Ulstein og Hareid

6065

ULSTEINVIK

Lensmannskontor

Lensmannskont

Saunesvegen 10

Ørsta beitelag

Ørsta bondelag

Ørsta kommune

www.orsta.kommune.no

Sentralbord: 70 04 97 00

Dalevegen 6

postmottak@orsta.kommune.no

Org. nr: 939 461 450

6153 Ørsta

Kontonr: 3992.07.30144

Mottakar
Ørsta jeger- og fiskerforbund

Ørsta kommune
Dalevegen 6
6153 Ørsta

www.orsta.kommune.no
postmottak@orsta.kommune.no

Sentralbord: 70 04 97 00
Org. nr: 939 461 450
Kontonr: 3992.07.30144